

彈

指

詞

彈指詞卷下目錄

六朝歌頭一調

減字木蘭花一調

愁倚闌令一調

風流子一調

醉春風一調

清平樂一調

菩薩蠻七調

滿江紅二調

一剪梅一調

更漏子一調

胡搗練一調

東風第一枝一調

洞庭春色一調

望海潮一調

采桑子四調

真珠簾一調

虞美人影 一調

小重山 五調

昭君怨 一調

御街行 一調

踏莎美人 五調

續斷令 一調

好事近 一調

如夢令 二調

鵲橋仙 一調

滿庭芳 一調

南鄉子 二調

酷相思 一調

百字令 五調

杏花天 一調

朝中措 一調

南柯子 四調

解佩令 一調

浪淘沙 二調

荷葉杯

一調

賀新涼

一調

氏州第一

一一調

沁園春

三調

青玉案

一調

憶秦娥

一調

夜行船

一調

春夏兩相期

一調

點絳脣

二調

烏夜啼

一調

訴衷情

一調

水龍吟

五調

鷓鴣山溪

一調

字字雙

一調

浣溪沙

六調

酒泉子

一調

定西番

一調

金蕉葉

一調

錦纏道 一調

夜遊宮 一調

蘇幕遮 一調

戀情深 一調

眼兒嬌 一調

梅影 一調

水調歌頭 一調

鵲踏枝 一調

卜算子 一調

滿江紅 一調

虞美人 二調

金縷曲 五調

一斛珠 一調

雨中花 一調

臺城路 一調

青玉案 一調

鳳凰臺上憶吹簫 一調

金明池 一調

雙紅豆 一調

木蘭花慢 一調

臨江仙 二調

一叢花 一調

桃源憶故人 一調

大江東去 一調

彈拍詞卷下

錫山顧貞觀著

男開陸

孫鍾珣校錄

六朝歌頭

丁未九月扈駕東巡偕行者王純嘏陸義山張南溪諸同舍

各為詩文以記一時之盛余得七言絕句六十首刻成附識其後

翠華東指秋獮及秋成

臣

珥筆書

綸綍

詔

從行備西清輦路重修處漁陽道盧龍塞孤竹

國榆關驛幾回經一字圍場分合三十萬鐵騎

無聲快風毛雨血夢澤起神鷹傍駕惟聽角

弓鳴每前驅罷方陣結開帳殿設層城視列

宿皆環拱 帝車星乍傳更趣理銀臺奏霜威

重硯初冰紅本下黃封出已參橫敬答 兩

宮馳問回鑾早先報 慈寧媿垂堂入疏諫

獵只虛名碌碌長卿

減字木蘭花

隨園至灤州曉霧失道從數騎行偏涼汀良久霧散橫山

之秀灤河之清自入燕以來所未見也碑勒金城郝瑩望海潮詞有回首望長安帝子攀號處清淚闌珊之語蓋國初郝以臺使者巡行至此感賦山有故經峇高司馬園亭

波光似練峽束飛流看似箭直下滄溟一綫猶

能十里清 繡衣持斧却憶鼎湖揮淚雨誰賣
盧龍別業逍遙寄此中

又 宿南館陶是夕有夢不記

西風又起水驛更長人倦矣繡被香空一夕濃
熏是夢中 鄉心久斷欲寄鄉書天樣遠為問
汀蘆有箇南歸宿雁無

又 題吳冰仙画

冰綃一剪露朶煙絲俱活現誰傍花陰倒卧收
香共命禽 仙娥如画素影亭亭招不下再世

齊奴消得真珠十斛無

愁倚闌令

昌平道中

雲羃羃水濺濺草如煙行近十三陵下路敢揮
鞭細柳新蒲乍綠玉魚金盃依然一騎捧香
寒食日憶當年

風流子

辛亥春月告歸得請途次寄閩百
詩自此不復夢入春明矣

十年纔一覺東華夢依舊五雲高憶雉尾春移
催吟芍藥螭頭晚直待賜櫻桃天顏近帳

前分玉弔鞍側委珠袍罷獵歸來遠山當鏡承

恩捧出疊雪揮毫 宋家墻東畔窺閑麗枉自
暮暮朝朝身逐宮溝片葉已怯波濤况愛閒多
病鄉心易逐阻風中酒浪跡難招判共美人香
草零落江皋

醉春風

臨洛客舍

禁漏蓮花碎玉堂清似水而今荒店聽雞鳴醉
醉醉月淡藜牀煙低土鏹一番憔悴 向壁餘
燈穗照人孤影背不如夢也不逢歡睡睡睡爭
忍寒更教他濕盡冷紅殘翠

清平樂

薄暮上懷柔城望紅螺山一帶舊
遺牆也

煙光上了天淡孤鴻小一派角聲聽漸杳吹冷
西風殘照 平安火映譙樓旌旗半卷城頭寫
入屏山幾曲鄉心歷亂邊愁

菩薩蠻

湖樓宴罷和夏鹵均韻

樺煙一抹輕綃護脂香暗覺杯行互狂捉縷金
鞦問郎真醉耶 銀箏連夜雪柱冷湘絃折紅
豆數來多曲終人奈何

又

和興蘭次

鑪邊促席圍銀蠟蘭舟準待明朝發坐至五更
鐘忽然歸思慵 六么催未歇故故飛觴急休
却眼前杯玉人容易來

又 郴江曉發

行雲翠濕寒難曉水仙夜上芙蓉老山枕酒醒
時雁回人未知 客程那得住打鼓開船去去
逐鯉魚風歸期尺素中

又 榕城客舍啖荔枝

果然仙品如圖譜晶瑩尚濕楓亭露映徹玉壺

冰守宮紗一層 碧桃爭比得鶴頂真珠液好

在宋家香剛逢十八娘

宋家香十八娘皆荔枝名品

又 晦夜端州道中

蒼梧水落羚羊峽危檣欲渡愁雲壓腸斷嶺猿
鳴南來第一聲 上灘爭宿處月黑聞人語不
辨戍樓煙維舟江那邊

又 送當如弟入秦時客臨汾

秋空倚劍人何處羈心遠挂咸陽樹隴水咽殘
星黃河西畔行 幾多鄉淚滴一夜關山笛誰

按小伊州清霜入鬢流

又 早發星軺驛是太行山絕頂處

山城半夜催金柝酒醒孤館燈花落窗白一聲
鷄枕函聞馬嘶 門前烏桕樹霜月迷行處遙
憶獨眠人曉寒驚夢頻

滿江紅 和毛會侯汴梁懷古

何必江南堪痛哭六朝遺蹟只此地曾經兌遍
銅駝荊棘高浪已摧臨鏡堞平沙盡沒藏書壁
漫凭高歷歷數滄桑空霑臆 朱仙鎮陳橋驛

相望處城南。北只幽蘭軒。遠燼灰難覓。且醉金
梁橋上月。休尋萼綠堂前石。捲西風。片葉忽飛
來迎秋笛。迎秋。汴中亭名。余行時。謁會侯。重建
信陵君祠。擬他年再過夷門。特賦一

詞。拜辭。未敢草草。

又 留別諸昆從

燕子重來還認得。烏衣舊里。渾不改。風流江左
清華門地。社酒晚歸娛父老。花燈夜賞。饒佳麗
看涇流如帶。束膠峯長如礪。頻作客。鄉心繫
十載。夢青縑被。又蘭堦池草。差強人意。笑我仍

分藜閣火輸他便縱瓊林轡向五雲多處吟金
泥添新喜

一剪梅

一道銀牆界粉真宋玉東鄰阮籍西鄰好花如
霧看難親鏡裏分身畫裏全身收拾風光卧
錦茵病渴前春病酒今春劇憐鶯語太殷勤昨
日歸人明日離人

更漏子

續殘香畱好夢鴛瓦不銷霜重千里月五更寒

此情持問歡 闌干角蛛絲絡誰解護花鈴索
乘宿醉看梳頭年時還記不

胡擣練

問瘡

便瓊花也怎和他二十四番風戰瘦影上窗微
閃欲語憐嬌喘 霎時淒凜霎時焦渾似郎心
多變一鬼可容相見教露鮮妝靨

東風第一枝

用史梅溪韻

麥浪翻晴桺烟吹暮可憐時候新暖攀來暗綠
嫌深折去殘紅怨淺東風著意為畱得幾絲香

軟笑雙雙掠水銜泥辛苦舊巢歸燕 費多少
斜陽送眼容易得遠山迎面肯將佩冷江皋博
箇宴酣花苑夢闌酒醒早減却春痕一綫問五
湖他日扁舟可似苧蘿相見

洞庭春色

上卷沁園春改本

樓鎖歲華橋通宛轉昔日亭臺記墜釵聲裏頻
呼小玉鈎簾影畔替摘青梅感絕多情雙燕語
道三歲看花人未回心期在且休教結子辜負
重來 無端綠陰遍也那復向舊處徘徊只淒

涼禪榻茶烟空颺模糊鏡檻蠟淚成堆一種幽
尋春草句怕清夢池塘有劫灰長陪著舊雕闌
玉砌零落宮槐

望海潮

青煙散後綠雲重綰今來欲見何緣每約花時
共聽鶯處將歸幾度畱連水玉語空傳信書生
薄命自古而然誰遣剛風無端吹折到青蓮
品題真負當年倩淚痕和酒滴醒長眠香令還
家粉郎依舊知他一笑幽泉慧業定生天怕柔

腸俠骨難忘人間莫更多情湯勞天上堊神仙

采桑子

仙姿合受塵凡垢蜚語心驚不是無情怕是情
多轉誤卿何如莫約簫臺鳳惟伴籠鶚繡戶
長扃對念如來般若經

又示道侶

玉爐火候溫溫也煉就飛霞結就丹砂一夜華
池靜月華春深景物還多麗映雪黃芽並蒂
金花持過南園姹女家

又

不知誰唱秋江曲
喚起離鴻西去孤蓬心逐江
流却向東
佩珠欲解蘅皋冷
莫采芙蓉滿鏡
愁紅寂寞憐卿別後同

又

遙天欲暝重回首
不是燕山却是吳山
几點烟
縈幾翠鬟
登臨已改雙蓬鬢
繞度邊關又度
江關心逐飛鴻一昔還

真珠簾

櫻桃宴罷人歸後。正煙籠澹月疎窗如畫。紅藥
闌邊當日新携素手。睡起微聞花歎息。似記得
星星密咒。依舊對漂香泊粉。幾枝春瘦。別久
心期輕負。為深憐痛惜。越添僂僂。十載綺羅情
付。昨宵殘酒誰道。酒醒都是恨。只剗地曉風楊
柳。知否。古今來一例斷腸回首。

虞美人影

消得幾行清淚雨。一片冷雲飛去。且共離魂語
留他伴。過沉煙縷。倚遍回廊。都不是。不是夢。

兒行處畢竟春難住斷腸花落相思樹

小重山

周亦庵山樓宴集夜看搗燈

捲盡歸雲瘦碧空微涼吹不斷白蘋風亂烟殘
靄有無中驚回首五十六燈紅火齊散遙峰
山靈須遣護絳紗籠倚樓高詠此時同分携處
冷落一江楓

又

吳伯成明府招宴雲起樓屬用前韻即席贈胡璞崖簡討

視草頻催鎖院空九天珠玉冷任隨風夢回人
在御香中依然是熬火夜深紅相望隔江

峰秣陵秋正好一鞭籠舊遊邀笛倩誰同君行
矣留醉語青楓

又

贈楊鄂州職方

玉節天南照遠空使槎輕萬里舊乘風晴川草
色醉吟中君恩在肯拂賜衣紅青翰數
青峰晚涼添繡被麝熏籠竹鑪清響暫時同催
歸也人瘦楚天楓

又

贈宮百朋大叅

北海華樽酒不空笑譚傾四座快哉風點蒼金

碧卧遊中情應寄天半落霞紅
留詠最高峰
待將雙袖拂映紗籠即開山徑許相同城南路
綠野傲丹楓

又
蝶梅花底感舊

春到愁魔待厭壞試東風第一道家妝蠟丸偷
寄紫瓊霜檀心展凭付與檀郎金磬歛花房
相逢應只在水仙旁色香空盡轉難忘人何處
沉痛覓姚黃

昭君怨

夜宿翠華庵為西山承恩寺下院

真個而今親試月白霜濃蕭寺佛閣夢雙凭第
三層何處銀餅素縵暗入遠鐘疎磬一滴下

楊枝乍醒時

御街行

落花人獨立微雨燕雙飛二語可
取作主客園晏小山向以入詞杜
紫綸頃以入画漫因題照并及寫懷

才華杜曲知名早看即起明光草旗亭絕唱擁
三姝合領裊昇平年少偏生謝却五陵裘馬別
展閑襟抱湘波窄地無塵到隨意把芸香較
一泓如水鑑菱寒獨自個與誰同笑祇應吟對

杏花春雨暗憶江南好

踏莎美人

再集吳伯成聽梧軒借方邵村
秦對巖諸君賦

齋閣香泉灤扉火樹秋來總是相思處扶輪承
蓋許重招為遣西飛一雁促歸橈酒暝煙霄
筆揮風雨金華殿上聞高語羨君才思湧江潮
顚顚如余應愧舊題橋

又六橋詞今刪其二

渺渺風帆淒淒煙樹望中便是儂行處羈魂別
後若相招分付採菱歌畔木蘭橈翠被濃香

青簾細雨依然坐對篷窗語雙魚好託夜來潮
此信拆看應傍畫看橋橋在平望俗傳西翁鳥
過其下即不能巧轉舟
人至此必携以登陸云

又

濕翠群山柔絲幾樹當年傾國曾來處前溪溪
畔是誰招覓個藕花叢裡暫停橈煙靄橫空
露華如雨催歸却訝舟人語西南風緊上輕潮
待得月明同倚水仙橋

又

吹落瑤華折殘瓊樹魂兮可憶相逢處枕濤亭
下舊曾招笑指冰船飛渡勝蓮橈 痛結沉雲

病踈行雨鴛鴦小字三生語夢偎紅頰暈微潮

猶似雪天雙騎玉河橋

枕濤亭在正陽門外西
響水橋

又

瑟鼓青峰歌翻絳樹無言忽到分襟處
羅冰盡手頻招安得千層鐵鎖截輕橈
醉纈凝酥啼珠凍雨曉鐘時節圍爐語
離情欲寄浙江潮
其奈客程偏指墜釵橋

續斷令

萬紅友出所製藥名藏頭詞視余輒戲為之

斷虹兼雨夢當歸身世等閒蕉鹿角枕涼生冰
簟滑石鼎聲中幽獨活火泉甘松濤嫩乳香候
龍團熟地偏叢桂枝陰又吐叢菊花時約過
紫乘白衣寒蚤休負深盃綠青鏡流光看逝水
銀漢漂殘落木爪蔓連錢草蟲吟細辛苦驚髀
肉從容烏兔絲絲短髮難續

好事近

彈指絕思惟喚出嬋娟三昧雙鎖金針誰會笑

拖泥裙帶 乍拈仍放合歡花一段風流在擊
竹聲前粉碎學香嚴下拜

如夢令

寶鴨乍辭衾鳳喚起膽餅花凍懊惱十年情不
抵五更霜重如夢如夢落月香車誰送

又

顛倒鏡鵲釵鳳纖手玉臺呵凍惜別儘俄延也
只一聲珍重如夢如夢傳語曉寒休送

鵲橋仙

用吳藥師韻

淚粘春住香吹夢醒提起舊時根節
画船絲柳綺窗花整一幅斷腸圖揭
彩雲易散銀河難渡青鬢莫教催雪
來生慧業恐生天又負却人間風月

滿庭芳

用蔡友古韻

別院收燈空樓倚笛穿花漏點分明
飄來蘭麝驚忽見雲英借與人間風
月瑤臺路特地逢迎冰輪滿無端吹
暈直是妒娉婷相攜尋舊約玉顏絲
髮種種堪驚只幾番離合斷送多情欲

問飛瓊伴侶塵根在枉費丁寧游仙去一行清
淚為子誤三生

南鄉子

來詞我亦悲吟痛哭人余謂歌字
正不必避依韻答之

芳訊屬東鄰格外相憐分外親記否枇杷花下
見前身共是悲歌痛哭人無計與傳神小像
沉香只暗薰料得有情應喚徹真真珠玉為心
以奉君

又

構衣

嘹唳夜鴻驚葉滿階除欲二更一派西風吹不

斷秋聲中有深閨萬里情
片石冷於冰兩袖
霜華旋欲凝今夜戍樓歸夢裡分明纖手頻呵
帶月迎

酷相思

竟日東風吹細雨吹不轉天涯絮便倚盡長亭
多少樹春去也人難住人去也春難住 池館
依然行樂處何事耽羈旅待相見重傾離別緒
人歸也春無語春歸也人無語

百字令

荆溪雨泊用史梅溪韻留別陳其
年史蝶庵諸同學

花前髮影被東風吹上一絲絲白算只浮家堪
位置第一飄零詞客果擲迷香鞭遺軟繡彈指
成遙隔茶煙篷底看炊蟹眼如雪 錯道舊雨
無情佳時却恁誤了鶯和蝶僕本多愁消不起
罨畫溪山風月蝦籠箏船蛟橋酒幔麗景從消
歇津亭回首嫩條誰與同折

又 宿針魚窟

幾行歸雁共征帆落向暮煙叢裡野戍潮平霜
葉下簇簇蒹葭深艤酒旆微青漁燈乍黑未散

沙洲市當壚一笑滿頭黃菊旖旎 又是急鼓
頻催低篷欲掩轉淒迷鄉思誰與孤眠欹枕說
妾夢不離江水慈姥灘寒望夫磯暝相對針魚
翦斷魂今夜風鬟雨鬢千里

又

西梁山過長年所居湯書其壁

遠天秋淨正西風秔稻江鄉初熟竟日帆移罾
影外卧柳村扉斜矗別浦潮回平磯葉掩籬落
輕鷗宿薄寒吹上春山澹澹凝綠 眼前人麗
如花魚多似米船却高於屋雞犬圖書無恙在

生事此中粗足煙水攜家五湖雙槳舊約何年
續客遊良苦倦聽商女遺曲

又

甌東苦雨和陸吳州夫子韻

花朝過也問天公那得許多風雨自是春晴無
三日可惜流光難駐蠟屐衝泥褰帷濺瀑厭聽
黃鸝語重來謝客積愁堆滿孤嶼消受水驛
山程燈昏酒冷夢兒中叨絮兒女心腸英雄淚
抵死偏縈離緒烽火遙連家書間隔漂泊隨鴛
侶芳時斷梗欲歸歸向何處

又

倦遊垂老為東風瘦盡十年花骨翠袖青衫成
間阻久被軟紅埋沒銀葉輕翻寶釵重炷一夜
寒灰活領頭心字篆香渾未消歇 不合湯咏
春城漏殘聽鑰便身羈雙闕買賦百斤還貰酒
誰念文園病渴露却金莖霜留玉杵天迥籃橋
濶箇懷無恙今番攜手煙月

杏花天

為劉震修題照

廿年江左知名士羨門第才華如此論交吾亦

空餘子端為吾兄屈指 風流那覺韶光駛一
笑掇人間青紫英雄兒女神仙事種種于君芥
耳

朝中措

蕪關有憶

蘅蕪夢冷惜分襟橘浦餉愁深斷雁西風當日
曉鶯殘月而今 臨邛久客茂陵多病特地關
心天與一般才思不成兩處銷沉

南柯子

慰我兼貧病憐卿隱笑啼小來辛苦怨流離已

是十年鄉信阻藍溪
別母情懷惡將雛氣力
微鏤心憑寄大江西夢裏五更霜月熨朝衣

又

古錦餘香濕春綃積淚殷相思已是不能閒况
復看人憔悴損朱顏
醉淺愁仍結寒深夢却
還輕烟一碧樣雙鬟昨夜家書應過小姑山

又

乍接分釵燕旋邀對鏡
寫袖香餘煖共闌干只
覺被池紅淚不禁寒
玉軫多時約金泥一响

歡桂花濃露好誰看今夜清輝還似憶長安

又

鏡裡看花發門前聽馬嘶
杏梁何事有單棲不見
天涯芳信幾回疑
欲剪同心帶還占薄命
詞悄垂簾幕護相思
為祝東風休卷綠楊絲

解佩令

小姑山

江濤似雪江花似繡
拜娉婷衆山回首一點烟
鬟被日夜西風吹瘦
屹冰霜大姑相守
鼓殘
瑤瑟灑殘芳
酌趁潮平密祈神佑
應笑踈狂向

水國漫尋紅豆夢吳城小龍女否

浪淘沙

潯陽

擁髻燭花偏特地遷延縷金雙枕只空圓昨夜
新霜鴛瓦濕寒到君邊片鐵挂檐前消受無
眠一聲容易破秋煙央及潯陽江上雁莫近離
船

又

佩囊

錦字佩囊盛密意分明任卿卿我我卿卿只向
人前須諱道素昧平生消受得傾城薄福微

名判將憔悴答娉婷不是相思空負却一世才情

荷葉盃

玉骨為誰消瘦知否端的小兒郎泥人腸斷損容光點髻怕吳霜曾是得他憐惜何夕別語更依依淺紅愁結翠蛾低爭忍不思惟

賀新涼

湘潭夜泊

菱鏡秋如許筆牀移疎簾垂下落英無語見說刀鐮如宿約待結同心双苴怕醉裏鄉書難據

看擁孤眠屏山上畫平沙隻雁滿湘雨從此路
問君去 分明江畔維舟處又模糊千重雲水
淡煙濃樹今夜客舍應覺冷睡鴨紅綿親炷料
也憶玳瑁霜杵待倩西風將消息一聲聲吹送
蘆花渚君不寐試聽取

氏州第一

荆州贈退將郭智囊郭能高歌
痛飲

生不封侯拂衣垂老尋思舊事悲咽驛內虛增
鬢絲旋減閒却寶刀如雪射虎歸來晚又送柴
門新月對影婆娑濁醪未舉唾壺先缺 多事

陰符親授訣休更羨征西殘碣少日偏疑儒冠
誤我投却書生筆算從前都是錯隨過眼煙雲
起滅何似滄江高眠縱擢洞仙歌徹

沁園春

殘月幽輝宿昔見之豈其夢耶任寒堆一枕鈿
珠零落塵縈半榻箏柱歌斜妾命如斯郎行何
許裙扇留題滿狹邪鱗鴻便莫雙棲正穩忘了
天涯也應遊倦思家料不抵孤眠人歎嗟向
舊青綾底頻偎煖鴨小紅闌曲遍數昏鴉雪壓

霜欺別來真箇瘦盡中庭萼綠華誰傳語道春
風多屬強飯為佳

又

舟次英德遊觀音巖

削翠橫江壁立千尋何年鑿空看霓旌倒掛金
芝湧幢水簾斜拂玉筍成叢小構香臺下臨無
地一瓣蓮花世界中回頭處訝天根月窟怎著
人工相連韶石玲瓏應斷續潮音洞口風有
環留寶座飛來猿峽綃呈金縷捧出鮫宮碧落
雲華曹溪咫尺此岸原將彼岸通驚人句向懸

嵯點筆題遍遊踪

碧落雲華皆洞名

又

陸義山遊粵納兩妾歸當湖賦贈

團扇風流桃葉桃根殷勤渡江問珠娘嬌小可
禁憐惜璧人依舊肯恣清狂豆蔻仍含檳榔暗
吐不負華年錦瑟旁須還憶舊吹簫伴侶縹緲
相望誰云四海空囊有入洛詩篇使粵裝是
未經霜雪炎洲翡翠却歸烟雨鏡水鴛鴦他日
朝天畫省垂問閣帖更題陸女郎金環在把一
編新語分付青箱

青玉案

端溪下品硯石三種其名汲黯者宋後已竭今忽得之綆細如絲光

耀如雪發墨無比因不經見為近日品題之所不及詞以代銘

深深月脅容誰鑿驚喜見純全璞

淮南子其全也純兮若璞

截斷紫雲天一角冰絲姍媚尚如神女細雨含

風絡

若教並玉真成珥搏粉凝脂暗中摸汲

古那嫌脩綆弱轆轤雙綰結棹千轉脩寫臨池

樂

憶秦娥

大庾嶺

雲根擘青天一綫雙崖碧雙崖碧古今多少蘚

碑題蹟、塞鴻不度鄉書隔。紅梅關上思家客。
思家客江南。魂夢嶺南消息。

夜行船

鬱孤臺

為問鬱然孤峙者。有誰來雪天月夜五嶺南橫。
七閩東距終古江山如畫。百感茫茫交集也。
憺忘歸夕陽西掛。爾許雄心無端客淚一十八。
灘流下。

春夏兩相期

宿贛閨酒盡不寐

趁西風擣衣聲急。江關倦客愁絕。何況夜來寒。

重和砧也歇荒鷄叫落一天霜獨雁催沉三更
月欲掩殘編祇應無奈酒醒時節 蘆簾此際
悲咽便鞦兒夢好待歸方說頻呵素手剪刀停
對垂紅淚燈花結料不成眠且倚薰籠冷灰重
撥

點絳脣

螺川立春

青鏡流年客中一倍關心早加餐音到入夜燈
花笑 街鼓隆隆已是春來了春知道鑠窗寒
悄有箇人清妙

又

幾日橋南金錢遍買相思卦
海棠祠下乞箇尋歡假
莫倚風流忘了當初話
歸來罷寄聲司馬收拾琴心者

江右有海棠神祠

烏夜啼

蕭蕭落木江空月明中
一陣驚寒多少欲棲鴻
人不寐醒還醉倚孤蓬
今夜滿樓清景與誰

同

訴衷情

已是夜深羅薦展約停箏催解珮休負月華明
軟語莫縱橫輕輕似聞嬌顫聲可憐生

水龍吟

夕佳樓在南昌郡城上向祀元忠臣僕公名僕家樓至明嘉靖中始

用靖節語改今額地與滕王閣相望憑覽高曠似勝於閣而名久為所掩無過而問焉者嗟夫地以文重若無子安一序珠簾盡棟寧至今日又何有於斯樓也雖然以子安之文重何如以僕公之人重余再過章江題長短句於樓壁陳伯璣楊陶雲芝田陸義山梁珠五諸君子依韻載廢錄呈聞府大中丞佑君董公許為付刊增入省誌未幾兵亂不果古今名迹顯晦有數存焉時節因緣不知定在何日耳

城頭誰構飛甍水天襟帶開江郭西山南浦眼
前不讓滕王高閣回首東湖昔賢陳蹟雨籠煙
幕更凭蘭杏靄龍沙迷漫會招取吹笙鶴是
處簷帷榮戟賀生成萬家繡錯滄桑縱改梁園
非故庾樓如昨可惜清暉等閒付與烏啼擊柝
正魚龍偃卧我來長嘯一聲驚覺

又 前題

煙江疊嶂參差依然故壘圍層郭忠魂何處一
樽空酌夕陽樓閣半壁崔嵬野棠開遍昔時戎

幕想登坪握節尚留遺恨寄華表歸來鶴
世都無感慨換佳名不妨就錯庚申甲子兩朝
如夢是非今昨元庚申君即順帝淵明自義熙後以甲子紀年我醉欲
眠閒愁消向戍笳城柝只重尋舊侶風流雲散
此情誰覺

又前題

洪厓爽氣西來拍肩除是弘農郭碧城十二關
干只在三層阿閣蕭史坪空綵鸞家近一痕如
幕羨君身仙骨乘風歸去試招取吹笙鶴白

玉樓成天半笑王孫嘔心良錯丹霞漫賞蛾睂
依舊虎頭非昨欲鼓雲和幔亭人杳祇餘鈴柝
向章江彈指幾回清淺起予總覺

又 客粵將歸留別李鏡月梁珠五諸同學

憑高有客沾襟蒼茫勝跡空延佇榕陰不斷鷗
鷗飛上越王臺樹香浦魚沉珠江鴈杳花田無
主算由來間氣英雄粉黛一般到銷魂處喚
起柔情俠骨定相憐客愁孤注韶光正好為誰
擲向蠻煙蠻雨雙鬢扶頭十耆連手欲留難住

任千金散盡只携寶劍陸生歸去

又

王戶曹人岳問余何日北行書此以答并簡院中諸僚友

故園長憶涇臯薄田二頃依東郭也知世上功名只似空中樓閣人說仙郎紫微起草紅蓮叅幕奈狂奴故態不禁搔首悔珠樹從樓鶴駒隙年華飛度趁歸來拂衣非錯攤書一枕夢回呼我酒醒疑昨何事頻催天街曉轡禁城寒柝問諸公衮衮鞭絲帽影誰先覺

驀山溪

書滕王閣上

朝飛暮捲也覺登臨倦高閣古今情共天涯客
愁長消遙空隱隱極目羨回帆沙路白曉煙青
不似江南岼一繩低雁肯放西風斷澹影蘸
蘆花向夾蝶圖中吹轉風流帝子魂魄倘歸來
翻舊本按新詞鼓入湘靈怨

字字雙閨客語

煙嵐潑翠山復山雪浪捲空灘復灘車船算緜
關復關琴劍羈遊難復難

浣溪沙

乍暖銀塘皺綠波
畫長慵聽鳥聲多
嚼花吹葉一春過
揀盡釵梳渾不是
拋殘絃索擬如何
日來天氣困人麼

又

自別檀奴百事嫌
惱人嬉子下重簷
更無心緒莫開簾
幾日醉醒花盡落
非時冷煖夢相兼
可知誰似去年忺

青齊人呼意所好為忺音險
平声今吾鄉亦間作此語

又

曾把芙蓉共晚涼
今來眼底隔瀟湘
酒醒欹枕

好思量 為寫眉圖傳小影擬燒心字試沉香
雨絲縈斷九回腸

又

唱罷玲瓏一曲歌江潮微上綠雲坡此情翻較
醒時多 已是欲眠渾未醉故回覆臉奈他何
誰云無賴只橫波

又

記蘭次語

琴酒生來澹蕩人自宜消渴更長貧不然孤負
遠山春 狗監故能憐犬子武皇應解妬文君

任他天壤有王孫

又

知是他生是此生藥闌花榭見卿卿似嫌心
太分明料得已難酬宿願欲拋爭奈轉多情
一回私語幾回驚

酒泉子

半刻支頤鏡紅斜暈輕潮歛欲眠仍起味誰
諳似春蠶襌褌衾鳳壓瑤簪宿妝微卸也一
鉤羅幕倚清酣夢江南

定西番

開鏡雨餘天碧
簾波明綃霧濕
灌湘蘭
可惜
晚香零亂一池紅藕
殘倒影萍間
無數夕陽山

金蕉葉

為憐深綠當風睡
驚起撲簾蕉
影碎新橙試摘
愛他觸手餘香脆
半醒又還如醉
鬱金堂下
清秋淚潛滴
遍一叢蘭蕙
玉籠鸚鵡而今懊惱
前身慧恰與檻鸞成對

錦纏道

查家毒

竇乳微泉長似鏡中清澈清莓苔一枝寒鐵黛
痕點破何年雪向磨崖斷處小勒梅花碣 問
官閣丰標綺窗消息肯便著孤山踪跡灞橋歸
去總多情奈暗香疎影不作相思驛

夜遊宮

雨雪空山滋味休認作行雲一例枯木寒藤聊
暫倚願他生得相逢歡喜地 折取青蓮比怕
幻出並頭根蒂稽首皈依持準提玉冷寒早香
焦人靜矣

藕幙遮

涇皋菊

早歸來三徑裏衣白風流欲傲君王紫標格不
容輕位置根葉生香君與蓮花耳憶涇皋環

帶水斗酒雙螯隨分吾家事却笑柴桑貧處士

蝶粉鴉黃惱亂人如此

涇皋余世居也先君子中年退隱西疇草堂

歲課兩蒼頭藝菊遠近虞山諸名種畢集吾家
相傳為一時勝事

戀情深

元旦芍藥

誰捧綠雲親侍輦六宮珍艷東風第一試新妝
羨花王幾多金粉簇霓裳春信遞朝陽不似

鈿釵零落倚沉香

眼兒嬌 西興候潮

萬壑千巖一空囊還復涉錢塘何人坐擁樓船
鼓角粉隊戎裝 回看滅沒鼉江氣獨立轉蒼
茫西陵渡口潮頭似雪捲盡興亡

梅影

金較書臨別為余寫照曹秋岳先生
屬賦長調記之是夜積雪堆簷擁爐

沉醉詞成後都不知為何語先生命之
曰梅影因圖中有照水一枝也

好寒天正孤山凍合誰喚覺梅花夢瘦影重傳
自簇桃紋獸炭偎金斗微熨芳牋更未解鵝膠

絳脣呵展綵融雀瓦酥手親研土木形骸爭消
受丹青供養况承他十分著意周旋丁寧說要
全刪粉墨別譜清妍憑肩端詳到也看側帽
輕衫風韻依然入洛愁餘遊梁倦極可惜逢卿
憔悴不似當年一段心情難寫處分付朦朧澹
月暈秋煙披圖笑我等閒無語人憶誰邊卿知
否離程縱遠只應難忘弄珠垂箔乍浦停船
甚日身閒環窗幽對畫看郎還向畫中圓且緩
却標題留些位置待虎頭癡絕與伊貌出嬋娟

彷彿記脂香浮玉罌翠縷颺珊鞭淡妝濃抹俱
瀟灑莫教輕墮塵緣便眼前阿堵聊供任俠早
心空及第似學安禪狀較書富壘頭隨手立散某
元欲求一笑竟不能得
共命雙棲都原是雪泥鴻爪從今夜省識春風
紙帳眠須信傾城名士相逢自古相憐

水調歌頭

憶昨飲君酒雪意勒寒梅知君酒醒何處已有
暗香來說向離亭風笛莫共霜天曉角撩亂苦
相催畱取隔牆影更待玉人回輕帆便雙槳

急且徘徊遙憐孤鶴中夜有恨立蒼苔自是春
光欲漏準擬花心潛拆分付與多才休負好時
節又作等閒開

鵲踏枝

撲盡流螢花底露消息沉沉銀燭應難渡容易
一來堪再誤樓頭剩有三通鼓何夕能將今
夕補遣鴂為媒翻把青鸞阻悶別蘭膏誰與訴
知他也只和衣卧

滿江紅

紅六月二十四日芡蘿人張水嬉邀
余為荷花蕩之遊至則殘紅折盡

但見田田數頃而已當筵出絹素索題
乘醉疾書以付歌者

為問煙波是甚日錦帆曾住
剛留得綠荷千柄
暗消殘暑翠袖縱憐顚顚客青衫那作繁華主
只江湖載酒記前身重題句
聽不盡流鶯語
看乍穩樓鸞樹
莫歌闌舞歌綵雲飛去
第一難
忘花月夜成覆
便結漁樵侶
共香香深處
短策
眠天應許

卜算子

脉望不成圓
誤食相思字
嬌草紅心摘
更生幾

度仙人死 畢竟向優曇證取無生是拈著桐
花認合歡一笑逢梧子

金縷曲 酬容若見贈次原韻

且住為佳耳任相猜馳牋紫閣曳裾朱第不是
世人皆欲殺爭顯憐才真意容易得一人知己
慚媿王孫圖報薄只千金當灑平生淚曾不直
一杯水 歌殘擊筑心逾醉憶當年侯生垂老
始逢無忌親在許身猶未得俠烈今生已已但
結託來生休悔俄頃重投膠在漆似舊曾相識

屠沽裏名預籍石函記

附
原贈

納蘭成德

德也狂生耳偶然間緇塵京國烏衣門第有酒
惟澆趙州土誰會成生此意不信道竟逢知己
痛飲狂歌俱未老向樽前拭盡英雄淚君不見
月如水與君此夜須沉醉且由他蛾眉謠詠
古今同忌身世悠悠何足問冷笑置之而已尋
思起從頭翻悔一日心期千劫在後身緣恐結
他生裏然諾重君須記

歲丙辰容若年二十有二乃一見即恨識余
之晚閱數日填此曲為余題照極感其意而
私訝他生再結語殊不祥何竟為乙丑五月
之識也傷哉

又寄吳漢槎寧古塔以詞代書丙辰冬寓
京師千佛寺冰雪中作

季子平安否便歸來平生萬事那堪回首行路
悠悠誰慰藉母老家貧子幼記不起從前杯酒
醺醺擇人應見慣總輸他覆雨翻雲手冰與雪
周旋久淚痕莫滴牛衣透數天涯依然骨肉
幾家能彀比似紅顏多命薄更不如今還有只
絕塞苦寒難受廿載包胥承一諾盼烏頭馬角

終相救置此札兄懷袖

又

我亦飄零久十年來深恩負盡死生師友宿昔
齊名非忝竊只看杜陵窮瘦曾不減夜即僂僂
薄命長辭知己別問人生到此淒涼否千萬恨
為兄剖 兄生辛未吾丁丑共此時冰霜摧折
早衰蒲柳詞賦從今湏少作畱取心寬相守但
願得河清人壽歸日急繙行戍藁把空名料理
傳身後言不盡觀頓首

二詞客若見之為泣下數行曰河梁生別之
詩山陽死友之傳得此而三此事三千六百
日中第當以身任之不俟兄再囑也余曰人
壽凡何請以五載為期懇之太傅亦蒙見許
而漢槎果以辛酉入關矣附書志感兼志痛
云

又悼亡

好夢而今已被東風猛教吹斷藥鑪煙氣縱使
傾城還再得宿昔風流盡矣須轉憶半生愁味
十二樓寒雙鬢薄遍人間無此傷心地釵鈿約
悔輕棄 茫茫碧落音誰寄更何年香階剗屐
夜闌同倚珍重常郎多病後百感消除無計那

只爲箇人知己依約竹聲新月下舊江山一片
啼鴉裏雞塞香玉笙起

虞美人

碧桃花鵲逢天女驚散花如雨比肩剛配小鴛
鴦留得覆飛趣在儘商量 明明佛頂珠光漾
鑒徹團圓相卽行穩奪錦標來好趁回龍堤畔

順風回

又

佛手柑後數詞皆與容若同賦其餘唱和甚多存者寥寥言之隨後

七行寶樹奇香透烏瓜寒來瘦麻姑久悔學仙

非結個蓮臺真印印皈依
鬱金柘染千重綵
酥乳何曾湟合歡名字更休提
乞得堯羅綿樣
許相攜鬱金印綵見法苑珠林如來三十二相好第二手軟如堯羅綿

雨中花
梅

容易幽窗開似雪耐多少五更霜月背地無憀
經年有恨併向花心咽
不如冷雨相摧折料
無分軟紅疼熱玉管誰吹石腸空賦又一番輕
別

一斛珠
鷹

園塲雪霽錦韉百隊金纏臂擎來六翮鋒稜異
嬌俊傳者名馬美人裏散花欲下凌霄起郡

君新配儀同矣丹青只認宣和記玉墜盤螭誰

識歷朝璽

郡君儀同鷹犬封號元時出內府所藏玉印磨作鷹墜

青玉案

雁字

排空幾陣畱難住寫不盡瀟湘雨託寄音書渾
漫許裴回欲下家雞野鷺那是臨池侶十三
行斷驚鴻去恰上銀箏十三柱絃畔有人揮玉
箏長門月暗一鐙重撲浚墨糝糊處

臺城路 梳妝臺懷古

卷簾依舊西山雨。憑高暗添愁思。馬上吟成，帳
中絃歇。遺恨尚留形史。分明故址。有瑤島瓊花
手。隨流水。惆悵重尋繡楣金縷。廣寒字。當年
夢遊曾至。素娥須記得。天寶遺事。三閣傳箋六
宮潤筆。少個青蓮應制。茫茫對此。只銀漢紅牆
望中相似。甚處。天香夜深飄桂子。

鳳凰臺上憶吹簫

一月他鄉。一天離緒。一秋好景。重陽問題。糕落

帽何處堪傷多事六朝金粉還畱下千古淒涼
無窮恨醉中偷繫玉腕更囊難忘當年此際
正戲馬高臺扈蹕長楊又翻經蕉苑甘露分嘗
丁未是日較獵三河戊申奉召書大藏經序其奈近來消渴依然是
少日遊梁思君極花寒人瘦減盡容光

金明池 茉莉

韻絕迎秋香空却暑抹盡人間多麗正倦起蘭
湯初浴乍散髮未勝簪髻裛清泠灑遍瓊枝便
相將對宿蕊珠宮裏早素月流光雪衣眠醒教

念鬢華新偈 織女綃妝來下矣伴萼綠無言
殘更小憩書便面曾煩轉乞貯犀合向承分寄
甚仙姿匹得卿卿有玉茗同心紅梳並蒂趁今
夜差涼滿襟風露安穩碧紗幮睡

雙紅豆

柳

風一絲雨一絲不繫行人只繫思喚他楊柳枝
萍是伊絮是伊眼眼睂眉生別離章臺無見
期

木蘭花慢 憩孔雀庵其旁爲馬湘蘭故居

乘月去梯中夜對談處也因寓此調落句及之